

STJÓRNARTÍÐINDI B 90 – 2003

18. júlí 2003

1827

Nr. 572

AUGLÝSING

um staðfestingu á breytingu á svæðisskipulagi norðan Skarðsheiðar 1997-2017, Indriðastaðir í Skorradalshreppi.

Samkvæmt 2. mgr. 14. gr. skipulags- og byggingarlaga nr. 73/1997 hefur ráðherra þann 9. júlí 2003 staðfest breytingu á svæðisskipulagi norðan Skarðsheiðar 1997-2017 frá 19. febrúar 1998.

Breytingin felst í því að 43 ha svæði fyrir landbúnað í landi Indriðastaða, Skorradalshreppi, breytist í svæði fyrir frístundabyggð. Einnig er gert ráð fyrir efnistöku á allt að 8000 m³ við Skorradalsvatn á um 2,5 ha svæði.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki sveitarstjórnar Skorradalshrepps og annarra sveitarfélaga sem standa að svæðisskipulaginu. Skipulagsstofnun hefur afgreitt erindið til staðfestingar.

Breytingin öðlast þegar gildi.

Umhverfisráðuneytinu, 18. júlí 2003.

F. h. r.

Ingimar Sigurðsson.

Sigrún Ágústsdóttir.

15. júlí 2003

Nr. 573

AUGLÝSING

um deiliskipulag íþróttasvæðis á Tungubökkum í Mosfellsbæ.

Á fundi bæjarstjórnar þann 18. júní 2003 var samþykkt tillaga að deiliskipulagi íþróttasvæðis á Tungubökkum í Mosfellsbæ í samræmi við 25. gr. skipulags- og byggingarlaga nr. 73/1997, með síðari breytingum.

Skipulagstillagan nær til lands frá aðkomuvegi að Tungubakkasvæðinu og að Köldukvísl. Skipulagssvæðið nær að hluta yfir land Segulmælingarstöðvarinnar sem afmarkar landið til vesturs ásamt flæðiengjum. Til austurs afmarkast landið af landi Leirvogstungu.

Uppdrátturinn hefur hlotið þá meðferð sem skipulags- og byggingarlög mæla fyrir um. Skipulagsstofnun hefur heimilað auglýsingu deiliskipulagsins í B-deild Stjórnartíðinda. Deiliskipulagið öðlast þegar gildi.

F.h. bæjarstjórnar Mosfellsbæjar, 15. júlí 2003.

Ásbjörn Þorvarðarson byggingafulltrúi.